



Broj: 02-11-1285/25.

Dana, 26.05.2025. godine

Na osnovu člana 39 Statuta Općine Zavidovići, ("Službeni glasnik Općine Zavidovići" broj 5/08 i 5a/08), Programa utroška sredstava sa "Tekućeg transfera za razvoj poljoprivrede" planiranog u Budžetu Grada Zavidovići za 2025 godinu, broj: 02-11-1285/25. od 23.05.2025. godine Gradonačelnica raspisuje:

JAVNI POZIV
za podnošenje zahtjeva za dodjelu gradskog podsticaja sa "Tekućeg transfera za razvoj poljoprivrede" planiranog u Budžetu Grada Zavidovići za 2025. godinu

U Budžetu Grada Zavidovići za 2025 godinu na poziciji Tekući transfer za razvoj poljoprivrede predviđena su sredstva u iznosu od 200 000,00 KM.

Ovim javnim pozivom se utvrđuju vrste poljoprivredne proizvodnje za koje se dodjeljuju bespovratna novčana sredstva (u daljem tekstu: gradski podsticaji), opći i posebni uslovi, kriteriji i postupak dodjele, te prava i obaveze korisnika gradskih podsticaja.

1. Kriteriji za raspodjelu sredstava odobrenih Budžetom Grada Zavidovići, sa Tekućeg transfera za razvoj poljoprivrede, u iznosu od 200.000,00 KM

Grad Zavidovići daje prioritet razvoju pojedinih grana poljoprivredne proizvodnje u skladu sa trenutnim stanjem poljoprivredne proizvodnje, visokih cijena repromaterijala za poljoprivrednu proizvodnju, poskupljenja goriva, stočne hrane i uopšte smanjenog životnog standarda stanovništva koje ostvaruje prihod od prodaje poljoprivrednih proizvoda . Podsticanje poljoprivredne proizvodnje se ogleda kroz sljedeće modele:

2.1. Podsticaj za držanje ženskih rasplodnih grla goveda	55 000,00 KM
2.2. Podsticaj za držanje rasplodnih grla ovaca i koza	10 000,00 KM
2.3. Podsticaj za uzgoj pčela po proizvodnom društvu	20 000,00 KM
2.4. Podsticaj za proizvodnju žitarica (kukuruz, pšenica, raž, ječam, zob, tritikal),	40 000,00 KM
2.5. Podsticaj novim nasadima jagodičastog , bobičastog i drugog voća podignutim od jeseni 2024.do proljeća 2025. godine	2 000,00 KM
2.6. Podsticaj za postojeće nasade jagodičastog i bobičastog voća,	10 000,00 KM
2.7. Podsticaj za proizvodnju povrća zasijanog ili zasađenog u proljeće 2025. godine	30 000,00 KM

2.8. Podsticaj za proizvodnju povrća u plastenicima u 2025 godini	10 000,00 KM
2.9. Podsticaj za kupovinu plastenika, poljoprivrednih mašina i priključaka	12 000,00 KM
2.10. Rezervna sredstva	11 000,00 KM
UKUPNO:	200.000,00 KM

OPĆI USLOVI ZA OSTVARIVANJE PODSTICAJA:

- Da podnosilac zahtjeva za podsticaj ima prebivalište kao fizičko lice ili sjedište za pravna lica na teritoriji Grada Zavidovići.
- Podsticaj mogu ostvariti sva pravna i fizička lica koja su upisana u Registar poljoprivrednih gazdinstava i Registar klijenata kao nositelji poljoprivredne proizvodnje izuzetno i u opravdanim slučajevima kao članovi PG-a umjesto nositelja.
- Podsticaj se može ostvariti samo za proizvodnje koje su prijavljene za upis u RPG u Gradu Zavidovići a koje se odnose na proizvodnju u stočarskoj ili biljnoj proizvodnji, ukoliko nije drugačije naznačeno u javnom pozivu.
- Podsticaj ne mogu ostvariti lica koja su u posljednjih pet godina dobila donacije ili pomoći kao povratnici ili na drugi način uz posredovanje ili bez posredovanja Grada Zavidovići i to plastenike, sadnice voća, opremu i mehanizaciju i istu neopravdano ne koriste na vlastitom gazdinstvu.
- Podsticaj ne mogu ostvariti ni lica koja imaju neizmirenih obaveza u vidu neplaćenih poreza, naknada i neizmirenih kreditnih obaveza prema Gradu Zavidovići.
- Podsticaj ne mogu ostvariti ni lica koja pokušajem prevare u zahtjevu za podsticaj prijave veći broj proizvodnih grla, društava ili površina pod kulturama od onih koja stvarno posjeduju,
- Korisnici sredstava podsticaja, koji su pravna lica i obrtnici, dužni su dostaviti potvrdu nadležne porezne uprave da nemaju dospjelih, a neizmirenih poreznih obaveza.
- **Zahtjevi za podsticaj, sa propisanom dokumentacijom, dostavljaju se na protokol Grada Zavidovići od 28.05.2025 godine do 20.06.2025 godine.**
- Svi korisnici podsticaja moraju dostaviti pismene dokaze o proizvodnji ili nabavci (račun, fiskalni račun, ugovor, otpremnica, pismenu izjavu i slično), što je preciznije utvrđeno posebnim uslovima)

POSEBNI USLOVI:

2.1. Podsticaj za držanje ženskih rasplodnih grla goveda.

Pravo na podsticaj za držanje ženskih rasplodnih grla goveda imaju poljoprivredni proizvođači koji u vlastitom ili zakupljenom objektu odnosno na imanju, drže minimalno dvije, a maksimalno osam rasplodnih krava starosti preko 24 mjeseca, a koja su prijavljena u RPG i RK na ime podnosioca zahtjeva. Umjesto jedne krave starosti 24 mjeseca priznaće se i jedna junica starosti preko 12 mjeseci starosti ukoliko nije prijavljena za federalni podsticaj za uzgoj rasplodnih junica.

Visina podsticaja iznosi 200,00 KM po prijavljenom grlu goveda.

Svi podnosioci zahtjeva za podsticaj koji imaju veći broj grla goveda od navedenog maksimalnog broja nemaju pravo na gradski podsticaj i upućuju se na ostvarivanje podsticaja putem

Grad Zavidovići, Ulica Mehmed paše-Sokolovića broj 9, 72220 Zavidovići
 Telefon: 032/206-780 info, fax: 032/206-706, www.zavidovici.ba, grad.zavidovici@zavidovici.ba

kantonalnog i federalnog Ministarstva za poljoprivredu, šumarstvo i vodoprivredu, osim lica koja proizvode mlijeko i isto prodaju mljekarama u otkupu.

Na javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Broj grla prijavljenih za poticaj sa kategorijama grla,
- Broj poljoprivrednog gazdinstva i broj klijenta;
- Ovjerene kopije pasoša za grla goveda, sa brojevima rasplodnih grla i starostima grla.
- Ovjerena izjava da rasplodna grla za koja je ostvaren podsticaj neće biti prodana ili otuđena u periodu od najmanje dvanaest mjeseci od dana dobijanja podsticaja

2.2. Podsticaj za držanje rasplodnih grla ovaca i koza,

Pravo na podsticaj za držanje ženskih rasplodnih grla ovaca imaju poljoprivredni proizvođači koji u vlastitom ili zakupljenom objektu odnosno na imanju, drže minimalno deset a maksimalno četrdeset i devet rasplodnih grla ovaca ili deset do maksimalno dvadeset i četiri koze starosti preko 24 mjeseca, a koja su prijavljena u RPG i RK na ime podnosioca zahtjeva i ako grla nisu prijavljene za kantonalni ili federalni podsticaj.

Visina podsticaja iznosi 20,00 KM po prijavljenom grlu ovaca ili koza a maksimalan iznos podsticaja je ograničen na 400,00 KM.

Svi podnosioci zahtjeva za podsticaja koji imaju veći broj grla ovaca ili koza od navedenog maksimalnog broja nemaju pravo na gradski podsticaj i upućuju se na ostvarivanje podsticaja putem kantonalnog i federalnog Ministarstva za poljoprivredu, šumarstvo i vodoprivredu.

Na javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Broj grla prijavljenih za poticaj sa kategorijama grla,
- Broj poljoprivrednog gazdinstva i broj klijenta;
- Ovjerene kopije potvrde o obilježavanju ovaca ili koza, sa brojevima rasplodnih grla i starostima grla, (datum rođenja).
- Ovjerena izjava da rasplodna grla za koja je ostvaren podsticaj neće biti prodana ili otuđena u periodu od najmanje dvanaest mjeseci od dana dobijanja podsticaja

2.3. Podsticaj za uzgoj pčela po proizvodnom društvu,

Pravo na podsticaj za uzgoj pčela po proizvodnom društvu imaju poljoprivredni proizvođači koji na vlastitom zemljištu ili na zemljištu sa pravom korištenja zemljišta upisanom na svome gazdinstvu u RPG-u u Gradu Zavidovići imaju minimalno pet pčelinjih društava. Ako je poljoprivredni proizvođač privremeno postavio pčelinja društva na drugu lokaciju koja nije prijavljena u RPG-u ili je odvezao pčelinja društva na pčelinju pašu dužan je imati saglasnost vlasnika ili posjednika istog zemljišta na kome su pčelinja društva stacionirana. Pod selidbom pčelinjih društava na pčelinju pašu smatra se dislociranje istih na minimalnu udaljenost od najmanje

tri kilometra od primarne stalne lokacije na kojoj su pčelinja društva prijavljena u RPG-u u Gradu Zavidovići.

Visina podsticaja iznosi 10,00 KM po pčelinjem društvu dok će se obračun podsticaja vršiti u rasponu od pet do trideset pčelinjih društava, bez obzira koliko poljoprivrednik posjeduje pčelinjih društava na gazdinstvu.

Na javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Stvarno ukupno brojno stanje proizvodnih pčelinjih društava,
- Lokacija pčelinjaka sa naznačenim brojem katastarske čestice i katastarske općine,
- Ovjerena saglasnost o postavljanju pčelinjaka na parceli koja nije upisana u RPG-u kod podnosioca zahtjeva za podsticaj,
- Broj poljoprivrednog gazdinstva i broj klijenta,
- Kopiju potvrde o zdravstvenom stanju pčelinjih zajednica.

2.4. Podsticaj za proizvodnju žitarica (kukuruza, pšenice, ječma, zobi, raži, tritikala na min. 0,2 ha, (dva duluma) do maksimalno 2,0 ha, (dvadeset duluma).

Pravo na podsticaj imaju sva pravna i fizička lica koja su upisana u RPG u Gradu Zavidovići, a zasijala su žitarice u jesen 2024 godine kao i u proljeće 2025. godine. Podsticaj se dodjeljuje na površinu od minimalno 0,2 ha do maksimalno 20,0 ha (od 2 do 20 duluma) i koja su proizvodnju žitarica prijavila u registru u Gradu Zavidovići. Visina podsticaja iznosi 50,00 KM po 0,1 ha, (dulumu), površine.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasijane površine;
- Broj transakcijskog/tekućeg računa i naziv banke u kojoj je otvoren;
- Naziv parcele ili parcela, broj katastarskih čestica gdje je sjetva izvršena a koje su prijavljene u RPG i RK, a ukoliko iz opravdanih razloga nisu prijavljene u registrima uz zahtjev priložiti dokaz o vlasništvu ili pravu korištenja zemljišta i druge dokaze.
- Broj poljoprivrednog gazdinstva i broj klijenta;
- Fiskalni račun izdat na ime podnosioca zahtjeva za kupljeno sjeme ili fiskalni račun bez imena podnosioca zahtjeva i poreznu fakturu ili otpremnica izdata na ime podnosioca zahtjeva, kao i drugi dokazi.

2.5. Podsticaj novim nasadima jagodičastog, bobičastog i drugog voća podignutim u jesen 2024. godine i u proljeće 2025. godine.

Pravo na podsticaj imaju sva pravna i fizička lica koja su u jesen 2024. godine do proljeća 2025. godine podigli novi nasad jagodičastog, bobičastog i drugog voća i ažurirali podatke u RPG-u. Podsticaj se odnosi na površinu nasada za jagodičasto i bobičasto voće i iznosi 400,00 KM po jednom dulumu površine. Podsticaj za nove zasade voćaka stablašica utvrđuje se na nivou cijene koštanja kupljenih sadnice voća po računu za sadnice i iznosi minimalno 100,00 KM do maksimalno 400,00 KM.

Grad Zavidovići, Ulica Mehmed paše-Sokolovića broj 9, 72220 Zavidovići
Telefon: 032/206-780 info, fax: 032/206-706, www.zavidovici.ba, grad.zavidovici@zavidovici.ba

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg, površina novog nasada;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i dokaz da se isti račun odnosi na korisnika podsticaja, (poreska faktura, otpremnica ovjerena od prodavača i td.), kao i dokaz o zdravstvenoj ispravnosti sadnog materijala.

2.6. Podsticaj za postojeće nasade jagodičastog i bobičastog voća zasađenog u proljeće 2024 godini i ranije.

Pravo na podsticaj imaju lica koja su u 2025 godini prijavila proizvodnju jagodičastog i bobičastog voća u RPG u Grad Zavidovići, koja imaju nasad jagodičastog i/ili bobičastog voća podignut u proljeće 2024 godine i ranije na površini od jednog dulumu do maksimalno 3 dulumu i imaju ugovor o otkupu voća zaključen sa određenim otkupljivačem pravnim licem.

Visina podsticaja iznosi 200 KM po jednom dulumu površine nasada voćnjaka.

Na Javni poziv se dostavlja popunjen zahtjev uz koji će se priložiti:

- ovjerena kopija Ugovora sa otkupljivačem za proizvodnu 2025 godinu,
- Lista korištenja iz RPG-a o prijavljenom nasadu u 2023, 2024 i 2025 godini.

2.7. Podsticaj za proizvodnju povrća zasijanog ili zasađenog u proljeće 2025. godine.

Pravo na podsticaj imaju sva pravna i fizička lica koja su u proljeće 2025. godine izvršili sjetvu ili sadnju povrća samo za slijedeće povrće: krastavaca, paradajza, paprike, luka i graha, na površini od minimalno 0,05 ha, (polu dulumu) i krompira na površini od najmanje 0,2 ha, (dva dulumu). Priznati će se sjetva ili sadnja koja je prijavljena u RPG-u u 2025 godini Grada Zavidovića za svaku poljoprivrednu kulturu posebno.

Visina podsticaja iznosi 200,00 KM po 0,1 ha, (dulumu) za krastavac kornišon, dok je za ostalo povrće iznos podsticaja 100,00 KM po 0,1 ha, (dulumu).

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasađena površina;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i poresku fakturu za kupljeno sjeme ili presadnice izdat na ime podnosioca zahtjeva a za krastavce i ugovor o zasnivanju proizvodnje i/ili otkupu povrća koje je zasijano ili zasađeno. Lica koja su zasijala ili zasadila povrće od sjemena porijeklom sa vlastitog gazdinstva priložiće ovjerenu izjavu o korištenju vlastitog sjemena u proizvodnji povrća.

2.8. Podsticaj za proizvodnju povrća u plastenicima u 2025 godini.

Pravo na podsticaj imaju poljoprivredni proizvođači koji posjeduju plasteničku proizvodnju povrća, paradajza i paprike na površini minimalno 100 m² do maksimalno 400 m² i da su istu proizvodnju prijavili u RPG u Gradu Zavidovići. Kroz ovaj vid podrške neće se priznavati proizvodnja drugog povrća i drugih kultura osim paradajza i paprike.

Visina podsticaja iznosi 1,00 KM/m² površine za plastenika površine od 100 m² do 200 m² dok visina podsticaja za plastenike površine od 200 m² do 400 m² iznosi 2,00 KM/m².

Lica koja posjeduju više od 400 m² plasteničke proizvodnje nemaju pravo na gradski podsticaj za plasteničku proizvodnju i upućuju se na ostvarivanje podsticaja putem kantonalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, ukupna površina plastenika;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice gdje je plastenička proizvodnja, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;

2.9. Podsticaj za kupovinu plastenika, poljoprivrednih mašina i priključaka.

Podsticaj će se dodjeljivati poljoprivrednicima koji imaju proizvodnju u nekoj od primarnih poljoprivrednih proizvodnji hrane. Proizvodnja mora biti prijavljena u RPG-u u Gradu Zavidovići za 2025 godinu. Podsticaj će se dodjeljivati za kupljeni novi platenik ili za kupljenu novu poljoprivrednu mehanizaciju i priključke sa iznosima na računima minimalno od 1.000,00 KM vrijednosti sa obračunatim PDV-om za kupljeni platenik, kupljene mašine, mehanizaciju i/ili priključke.

Iznos podsticaja obračunava se na nivou 25 % od vrijednosti izvršene investicije i maksimalno iznosi za plastenike 500,00 KM, a za poljoprivredne mašine i priključke maksimalan iznos podsticaja je 1 000,00 KM.

Uz zahtjev za podsticaj prilaže se i ovjerena kopija fiskalnog računa i porezne fakture i/ili garancije za kupljenu mehanizaciju i računa za priključke izdatih na ime kupca koji može biti nosilac ili član u RPG-u u Gradu Zavidovići. Priznaće se kupovina plastenika, mehanizacije i priključaka za poljoprivrednu mehanizaciju sa računima izdatim u periodu od 01. maj 2024 godine do 01. maj 2025 godine za koju nisu već ostvareni kantonalni ili federalni podsticaji.

2.10. Rezervna sredstva.

Rezervna sredstva se mogu rasporediti za nepredviđene situacije kao na primjer za:

- Povećanje iznosa podsticaja po modelima proizvodnji iz ovog javnog poziva kako se ne bi smanjivao iznos podsticaja po proizvodnoj jedinici za podsticaj,
- Administrativne greške i isplata po eventualno usvojenim žalbama na dodjelu podsticaja iz perioda dodjele podsticaja tokom 2024 godine i u drugim opravdanim situacijama,

OBAVEZE SVIH KORISNIKA NAKON OSTVARIVANJA PODSTICAJA:

Svaki korisnik podsticaja dužan je dobijena sredstva namjenski iskoristiti. Ukoliko se konstatuje da je korisnik podsticaja dobio sredstva na osnovu netačnih podataka ili ako su nenamjenski utrošena, korisnik gubi pravo da konkuriše za bilo koju vrstu podsticaja u razdoblju od pet godina, a nenamjenski utrošena ili prevarom dobijena sredstva će morati vratiti. Ovu kontrolu će vršiti Komisija koju formira Gradonačelnica nakon dodjele podsticajnih sredstava.

Evidenciju svih korisnika podsticajnih sredstava iz budžeta Grada Zavidovići i podatke o namjenskom utrošku sredstava će voditi Služba za upravu poljoprivrede, vodoprivrede i komunalnih poslova.

Završne odredbe:

- Posebna Komisija imenovana od Gradonačelnice će odlučivati o usklađenosti zahtjeva sa javnim pozivom, izvršenim upisima poljoprivrednika, korisnika podsticaja, u RPG i RK i prijavi poljoprivrednih površina u RPG i RK na koje se traži podsticaj, te će po nalogu Gradonačelnice izvršiti obilazak terena i donijeti prijedlog preliminarne i konačne liste kao i zaključka o isplati podsticaja.
- Sve evidencije o korisnicima podsticaja vodi Služba za upravu poljoprivrede, vodoprivrede i komunalnih poslova.
- Ukoliko dođe do povećanja iznosa sredstava na tekućem transferu za razvoj poljoprivrede kroz rebalans Budžeta Grada Zavidovići povećati će se iznosi sredstava i po stavkama za podrške iz ovog javnog poziva.
- Ukoliko se pojavi veći broj kandidata koji ispunjavaju uslove za podsticaje po određenim modelima, ukupan iznos podsticaja predviđen programom dijeli se na ukupan broj prijavljenih kandidata koji ispunjavaju uslove, tako da iznos podsticaja po jedinici mjere u tom slučaju može biti i manji nego što je predviđen.
- Ukoliko određeni iznos podsticaja po nekom od modela ostane neiskorišten, Gradonačelnica zadržava pravo preraspodjele novčane sume na neki od drugih modela podsticaja.
- Obrazac zahtjeva za podsticaje će izraditi nadležna služba Grada Zavidovići, a aplikanti će ga moći preuzeti na info-pultu Grada Zavidovići.
- Gradonačelnica zadržava pravo da umanju iznos podsticaja po pojedinim ili svim modelima ukoliko izvršenje budžeta bude manje od planiranog.
- Određuje se limit po jednom korisniku podsticaja od 2.000,00 KM kao maksimalni iznos za ostvarivanje podsticajnih sredstava po svim modelima podsticaja iz Budžeta Grada Zavidovići za 2025. Godinu.

Akt pripremio:

(Hadžić Ibro)

Akt pregledao:

(Idriz Ahilhodžić)

Akt revidirao:

(Sunija Ramić)

Akt pregledao:

(Nermin Čahtarević)

GRADONAČELNICA

mr.iur. Erna Merdić Smailhodžić

Grad Zavidovići, Ulica Mehmed paše-Sokolovića broj 9, 72220 Zavidovići
Telefon: 032/206-780 info, fax: 032/206-706, www.zavidovici.ba, grad.zavidovici@zavidovici.ba